

東區大同國小校定課程－南臺南火車站解說

臺南的 9 閣 4 分之 3 的車站

編寫：周瑞雅老師（本校閩南語教學支援教師）

逐家好！我是阿澤。

逐家敢有聽過哈利波特，故事內底有一个 9 閣 4 分之 3 的月台，愛有魔法的人才會當發現，佇台南嘛有一个 9 閣 4 分之 3 的車站，毋捌佇臺鐵的時間表發現著，毋過愛有歷史恰愛鄉眼光的人，才會當看著伊的存在。今仔日我是欲 逐家來拜訪這個神秘的〔南台南火車頭〕。簡單稱呼做南站！

這個足有日本味，有 70 年歷史的老車頭，佇台南車頭恰保安車頭的中央。佇 1943 年的日本時代，南站是一个停車場。彼个時陣拄好是二次世界大戰的期間，所以一空恰二空需要的物資擺會送到遮，這個時陣南站是負責運送軍中的物件。

恐怖的戰爭結束了後，因為貨運的需要，所以空軍佇 1950 年共南站重新開放做貨運站來使用，毋過佇 1986 年，因為空軍的貨運對鐵支路改做公路，所以南站佇 1991 年就無咧使用。

厝若無人蹠上緊歹，實在是替南站感覺可惜！南站遐爾濟冬無人用，閣予風颭掃過，厝瓦早就破去，柱仔嘛攏生銹矣，本來欲共拆掉，毋過佇附近的里民俗里長的拍拚爭取，總算共遮爾仔有意義的所在留落來矣。

所以，阮學校有設計一寡活動向望會當予閣較濟的人熟似南站，了解南站。譬如講設計古典的燈具，製作復古的藍晒圖，予南站加添一寡藝術的美感。利用學校荒廢的椅桌和柴籬做作鋼琴造型的椅條，恰火車頭的裝置藝術，啗閣較濟人來遮行踏；後來閣用太陽能設計省電的電火，用電火炤光南站，予南站袂閣烏烏臭臭，變做規个社區上浪漫上美麗的新所在。

老師恰學生嘛做伙寫南站的故事，毋但拍模展覽，閣舉辦創意的商展，吸引誠百个社區的里民來鬥鬧熱，遮攏是為著欲予逐家閣較熟似南站。我感覺會當做伙參加遮的活動實在足有意義！

台南這個神秘的 9 閣 4 分之 3 的車站，毋免魔法就看會著，就佇咱的厝邊，咱的社區)。向望未來有閣較濟的人看見南站的嬌、南站的特

別、佢南站有歷史意義的所在，嘛為咱在地的文化歷史保存，盡一寡仔心意。

今仔日我的介紹就到遮為止，多謝逐家。